



Terenga 2: Hōtaka 09 – Me...

Tēnā rā koutou kei ngā kati tarama o ngā marae o te motu. Nau mai anō ki tēnei hōtaka whakatairanga i te reo Māori e whai nei kia nui ake Te Hokowhitu hei whakatinana i ngā manako o te reo kia mauriora anō ai ia i tēnei ao.

Hei Mahi Whakarongo

Kei te whāia e ētehi te ara o te rangahau hei āwhina i te kaupapa whakarauora i te reo Māori i roto i ngā hapori. Ko Rangī Mataamua rāua ko Te Ori Paki ngā kaikōrero i runga i te kiriata kua tīpakohia hei matapaki mā tātou. Anei ngā pātai hei whakautu mā koutou.

1. He āwangawanga i puta i ngā kaikōrero?
2. He aha te karere whakamutunga a Rangī?
3. He aha tā Te Ori ki te makiu?

He Whakamārama

Tirohia ēnei rerenga e tīmata ana ki te kupu hāpai 'Me'. He rerekē ngā ture mō ia whakamahinga. Māu e wetewete te takoto o ngā kupu kia mōhio ai koe ki ngā rerekētanga.

Me + tūmahi

Me whai i te huarahi tika.

Me + tūāhua

Me pōuri tātou ka tika.

Me + tūmahi hāngū

Me whai te huarahi tika.

Me + tūāhua oti

Me oti i a tātou ka tika.

Hei Manatu

Ko tētehi wāhanga o te reo e tika ana me tika i a tātou, ko te whakahua. I ētehi wā, ka warea te tangata kia rere noa ana whakaaro, ka wareware te whakahua o te kupu. Me mōhio hei āwhea tōia ai te pū, hei āwhea kaua e tōia.

tikanga ✓

karanga ✓

tutuki ✓

taringa ✓

tīkanga x

kāranga x

tūtuki x (mehemea kei te kōrero mō te whāinga)

tāringa x

Hei Mahi

Whakawhitihia ēnei rerenga, kia tīmata kē ai ki te kupu 'Me':

1. Tutungia te ahi o te reo Māori.
2. Whakawetohia ā koutou waea pūkoro ki roto nei.
3. Haria ā koutou tūeke ki rō whare.
4. Whakamātauria tēnā inu.
5. Tikina e koe tētehi tūru hei nōhanga mōu.

Whakautu:

1. Me tutungi te ahi o te reo Māori.
2. Me whakaweto ā koutou waea pūkoro ki roto nei.
3. Me hari ā koutou tūeke ki rō whare.
4. Me whakamātau tēnā inu.
5. Me tiki e koe tētehi tūru hei nōhanga mōu.